



大醒法師示寂二十五週年紀念特刊



法師名機警，晚年別署隨緣。太虛大師字以大醒，因以大醒行。俗姓袁，江蘇東臺世家子；畢業於母里師範。讀憨山夢遊集，遐然有出世志，因從讓之和尙剃落；時民國十三年，年廿五矣。是年夏，虛大師講維摩經於光孝寺，法師始側講席。秋，去武昌佛學院，專心內典。法師於整僧護教，願力甚宏，揭「新僧」為號召；虛大師因為字大醒以勉之。十四年夏，從虛大師於廬山學窘。十六年，禁足於南京金陵寺。翌年春，應虛大師召，至廈門南普陀寺，任監院，主持閩南佛學院。時革命初奠，佛教危機彌深，而教內猶多因循，法師乃編發現代僧伽（後改名現代佛教）以策勉之。口直心快，語多痛切，泄沓因循者，不以為然也。廿一年冬，隨虛大師為進退，離廈門。然在閩五年，於寺務教務，實多建樹。廿二年，小住潮汕。冬，還武院，主編海潮音，鼓吹人間佛教。翌年，講地藏本願經於漢口正信會；蓋法師於地藏悲願，景仰特深。廿四年，去日本考察佛教，備受彼邦佛徒歡迎。廿五年，住持淮陰覺津寺，革弊建新，且將追閩院之盛！辦有覺津

大醒法師行狀

佛學院，覺津月刊；主持七縣僧眾救護訓練；講學於感化院。護教護國，頗為地方當局所重。迨戰火逼近，法師乃退而自修。後嘗主持高郵善因寺，時值戰亂，隨緣而已。抗戰勝利，法師出任中國佛教會整理委員會秘書長。卅五年秋，繼虛大師主持奉化雪竇寺。翌春，虛大師圓寂於滬濱，法師悲痛無已！其後，太虛大師全書之編纂，大師舍利塔之建築，並多得其力。卅七年，復主編海潮音。嗣以戰火南侵，乃奉潮音來臺灣；因任善導寺導師。歷年憂勞，血壓甚高。卅九年，移住新竹之香山。四十年，復發起主辦佛教講習所於新竹之靈隱寺，雖才財兩難，而卒能勉成之。冬，以腦溢血臥疾，纏綿及載，四十一年十二月十三日，乃別人寰，時年五十有三。嗚呼！法師長於文學，能詩書，不拘小節；熱心於佛教之文化教育。在儒則狂，在佛則大悲菩薩之流也！末世鮮中道，若法師者，可以謀進取者也！去世何速，四眾同慨！著作行世者，有地藏本願經講要，八指頭陀評傳，日本佛教視察記，口業集，空過日記等若干卷。

印順

印順

印順